

# Aen Daehsaw Gou Ceiq Gyaez

## 我最钟爱的书包

Gou miz aen daehsaw ceiq gyaez ndeu, de dwg gij laex mwh youwzyenz bizyez hwnj siujyoz daxmeh soengq hawj gou, gou gyaez de raixcaix.

Aen daehsaw neix baihrog dwg saeklamz, yawj hwnjbae bingzciengz dangqmaz, hoeng de maenh-saed naihyungh. Mwngz gaej yawj mbouj hwnj aen daehsaw gou, de miz yungh lai, de raek caix ndaej, raek song mbaq hix ndaej! Aen daehsaw daj it nienzgaep hainduj couh daegbied “gwn ak”, ceiq lai “gwn” ndaej cib bonj saw. Aen daehsaw neix daj it nienzgaep buenx gou daengz seiq nienzgaep, sikhaek couh yaek riengz gou hwnj haj nienzgaep “doegsaw” lo, danghnaeuz mbouj miz de buenx, diuzroen doegsaw gou couh gadog haujlai.

Geiq ndaej miz baez ndeu, gou mbouj siujsim hawj aen daehsaw doek lo, gou siengsim mbouj rox bae lawz ra, youh mbouj gamj lwnh daxmeh. Gou ra gyoengq baengzyoux iq daeuj bang ra, gou ciengz-



saek lwnh gyoengqde gou bae gizlawz gvaq, dou faen baenz sam aen siujcuj, doeklaeng youq bakdou hagdangz ra raen aen daehsaw. Laxlawz mwh

cuengqhag gou yawjraen duzma iq ndeu, de dwggvaez lai, gou couh cuengq aen daehsaw roengzdaeuj bae umj duzma, aen daehsaw couh lumz youq bakdou hagdangz lo. Umj dawz aen daehsaw doek le ra ndaej dauq haenx, gou gag roengz gietsim: Baezlaeng mbouj ndaej hawj aen daehsaw doek moq lo.

Moix baez daengz gyajseiznit roxnaeuz gyajseizndat, daxmeh cungj bang gou saeg aen daehsaw, aen daehsaw yaepyet couh bienq moq lo. Naemj daengz haihag gou caeuq aen daehsaw couh yaek doxcaez bae doegsaw lo, ndawsim lijimiz di maqmuengh ne.

Neix couhdwg aen daehsaw gou, gou gyaez de raixcaix. De dwg boux baengzyoux ceiq aeuyungh mwh gou hagsib, caemhcaiq hix dwg gij laex ceiq ndei daxmeh soengq hawj gou.

(Cangh Bozhanz)

## Ngoenz Gyaeundei Ndeu

### 美好的一天



Miz ngoenz ndeu banhaet, mwh duzmoed iq caeuq duznou iq cingq guhcaemz yawjraen duz-biengzbeih iq cingq aeu dangz, duzmoed iq caeuq duznou iq cam de: “Duzbiengzbeih iq, mwngz ndaejhoengq lwi?” Duzbiengzbeih iq naeuz: “Ndaejhoengq ha, baenz-lawz yiengh?” Duzmoed iq caeuq duznou iq naeuz: “Yienghneix raeuz doxcaez guhcaemz ha!” Duzbiengzbeih iq: “Ndei ha.” Yienghneix duznou iq, duz-biengzbeih iq, duzmoed iq couh guhcaemz hwnjdaeuj. Mwh cingq guhcaemz angqyangz gyoengqde raen gaeqmeh daiq gyoengq gaeqlwg buen ranz lo. Duznou iq naeuz: “Gaeqmeh daiq gaeqlwg buen ranz lo, byukgyaeq mbouj aeu lo, mboujnex raeuz aeu byukgyaeq daeuj guh aendox-ndiengq ba.” Duzmoed iq caeuq duzbiengzbeih iq naeuz: “Ndei ha.” Yienghneix gyoengqde aeu daeuj faj benj ndeu cuengq gwnz byukgyaeq. Duznou iq youq baihsuix, duzmoed iq youq baihgvaiz, duzbiengzbeih iq youq henz dopfwngz, couh yienghneix ndiengq bae ndiengq dauq, gyoengqde guhcaemz vuenheij dangqmaz.

Gvaq yaep ndeu, duz-biengzbeih iq naeuz: “Mboujnex raeuz hwnj mbwn bae guhcaemz ba.” Duzmoed iq caeuq duznou iq naeuz: “Ndei ha!” Yienghneix gyoengqde aeu byukgyaeq guh baenz aen yezgigiuz ndeu. Guh ndei le, duzmoed iq caeuq duznou iq naengh youq gyang yezgigiuz, duzbiengzbeih iq mbin baihnaj daiq roen. Duzbiengzbeih iq naeuz: “Ndei guhcaemz lwi?” Duzmoed iq caeuq duznou iq naeuz: “Ndei ndei, gij gingjsaek mbwn caen ndei yawj ha!”

Daengz banringzgvaq, sawq-mwh doek fwn lo, gyoengqde dauq roengz gwnz dieg. Duzbiengzbeih naeuz: “Mboujyawx raeuz aeu byukgyaeq daeuj guh liengj dangj fwn ha.” Yienghneix, gyoengqde sikhaek con haeuj laj byukgyaeq bae, youq ndaw byukgyaeq raeujrubrub, mbouj deng dumz saekdi.

Mbwn menhmenh laep lo, duznou iq aeu mbawfaex ndeu, goemq gwnz ndang bonjfaenh caeuq duzmoed iq, duzbiengzbeih iq. Gyoengqde aeu byukgyaeq daeuj guh mbonq, ninz youq gwnzde, haemq vaiq couh guh fangzhwnzloq…… (Vuh Yijsenh)

## Gyaeqgaeq Fouz Hwnjdaeuj Lo

### 鸡蛋浮起来了

Singhiz haj cuengqhag, lauxsae gohyoz hawj dou dauqma ranz guh baez sawqniemh “gyaeqgaeq fouz hwnjdaeuj lo” ndeu.

Youq gwnz roen dauqma ranz, gou doq byaij doq naemj: Gyaeqgaeq guhlawz fouz youq najraemx ndaej ne? Gou buenq ngeiz buenq saeng. Deng lo, Haijdai mbouj dwg hawj vunz fouz youq najhaij mbouj caem roengzbae ma? Gou sim’angq raix-caix, yamq hung byaij dauqma ranz.

Gou caepcawq aen boi ndeu, aen gyaeqgaeq ndeu, daeh gyu ndeu, aen beuzgeng ndeu, ga dawh ndeu caeuq di raemx he gonq, liuxcih gou ndingq gyang boi lai raemx, caiq aeu boi gengz baenz limq 45 doh, aeu gyaeqgaeq swnh henz boi cuengq roengz gyang boi bae, dan dingqnyi “gongdong” sing ndeu, gyaeqgaeq caem haeuj daejboi bae. Ciep roengzdaeuj gou gya beuzgeng gyu daih’it roengz gyang boi bae, gyaeq-gaeq mbouj doenghdanh saekdi, lumj lwgni ninz ndaek nei; gya beuzgeng gyu daihngaih, gyaeqgaeq lijdwg mbouj doenghdanh, ninz vang youq daejboi. Mboujseih fuengfap gou loek lo? Gou ndawsim miz di gip. Daxmeh raen le, lumhlumh gyaeuj gou naeuz: “Dwg mbouj dwg gyu gya noix lo?”

Gou dingq le, gya beuzgeng gyu daihsam, gyaeqgaeq mbouj cingz-nyienh saekdi fouz hwnjdaeuj lo, lumjbaenz lij naemj ninz youq daejboi. Gou raen de miz bienqvaq, sim’angq dangqmaz, yaepyet couh cingsaenz gvaekgvaek. Gou ganjgip gya beuzgeng gyu daihseiq, beuz-geng gyu daihhaj, raemx ndaw boi noengznwnwt; gou laebdaeb gya beuzgeng gyu daihroek, gyaeqgaeq fouz youq gyang raemx, lumjbaenz cingq bibuengq mbonqduengq, youh lumjbaenz cingq bibuengq aen-nungxnengh……Cigdaengz mwh gou gya beuzgeng gyu daihgouj, gyaeq-gaeq cij fouz hwnj daengz najraemx, loh byukgyaeq okdaeuj, couh lumj yaek okdaeuj najraemx diemheiq nei, youh lumj yiedcingz dongx gou nei. Gou yungh lwgfwnz anq de roengz gyang raemx bae, yaep ndeu, de youh diubiz fouz hwnjdaeuj lo.

Doenggvaq hwnj muengx caz-yawj swhliu, gou dauqdaej rox lo: Laxlawz, riengz dwk raemxgyu maeddoh gyalai, rengzfouz gyaeqgaeq souh haenx hix gyalai. Mwh rengzfouz iq gvaq rengznaek, gyaeqgaeq couh caem doxroengz; mwh rengzfouz caeuq rengznaek doxdoengz, gyaeq-gaeq couh fouz youq gyang raemx; mwh rengzfouz hung gvaq rengznaek, gyaeq-gaeq couh fouz hwnj daengz najraemx.

O, raeuz gvaq ndwenngoenz, yaek lai naemj, lai guh, cijndaej rox gij aumiz ndawde!

(Gyanghsuh Swngj Suhcouh Si Gauhsinh Gih Swhsanh Saed-niemh Siujyoz Vwnz Gajjoh)

